


Mia gruppà dall'Emprema s. Communiun


Questa mappa s'auda a:

*Pli tard taccar cheu
la fotografia da tia gruppà*

Nus tuts s'udin ensemen!



Teila falien



Jeu sun la vit, vus essas las frastgas.
Quel che resta en mei ed en quel che jeu restel,
lez porta bia fretg;
pertgei separai da mei saveis vus far nuot.
(Gn 15,5)



Lai suttascriver tut tes conscolars ella teila falien.

Dieus ei per mei sco.....

Egl Islam dat ei 99 differents numms per Diu.

Era nus vein mintgaton auters numms per Diu:

A = igl amitg	M = il migeivel
B = il buntadeivel	N = il nundescrivibel
C = il creatur	O = igl origin
D = il derschader	P = il perpeten
E = l'entschatta	Q = la quintessenza
F = il ferm	R = il regent
G = il gidonter	S = il schurmetg
H = la harmonia	T = il tegn
I = igl infinit	U = igl univers
J = igl juvel	V = la veta
L = la legria	Z = il zenit



Vegnan aunc auters numms endamen a ti tier ils suandonts bustabs?





G =	S =
P =	V =







Objects ella baselgia

Scriva ils dretgs plaids els quaders:


altar – ambo – glisch perpetna – crusch – Nossadunna – tscheri pascal – tabernachel – crap da batten –
parlet d’aua benedida






Posiziuns en baselgia

La baselgia ei in liug special. Leu sedepurtein e semuentein nus auter che p. ex. en scola ni sin la piazza da sport. Mo daco stein nus duront la messa mintgaton sin peis, daco stein nus en schanuglias ni daco sesin nus? Ponderescha, tgei posiziun che ti vesas sils suandonts maletgs. Metta la dretga descripziun tier il dretg maletg. Las descripziuns anflas ti sil feigl 4.3. Taglia ora ellas.





Taglia ora



Avon in retg fan era aunc ozildi biars carstgauns in enclin. Cun quei muossan els lur veneraziun. Era Jesus ei sco in retg. Nus lein mussar ad el che nus lein survir ad el.

Tedlar san ins il meglier cu ins sesa. Perquei sesin nus era el kino ni el teater. Duront la messa sesin nus tier la lecziun e tier il priedi. Aschia savein nus tedlar bein.

Cunquei che Jesus ei morts per nus vid la crusch ei la crusch il simbol dils cristians. La crusch ligia tschiel e tiara ed era ils carstgauns.


En la baselgia caminein nus buca spert e nus currin buc. La baselgia ei in liug d'oraziun. Perquei mein nus plaun e concentrau en nies plaz. Aschia mussein nus, che nus lein esser ruasseivels e semtgai per la sentupada cun Diu.

Cu nus fagein oraziun, tenin nus mauns a Diu. Nus vegin cheutras ruasseivels e seconcentrein. Nus patertgein vid Diu.

Il pli bia stein nus sin peis duront la messa. P. ex. duront las oraziuns impurtontas ed igl Evangeli. Aschia mussein nus che nus lein star sin peis avon Diu ed avon tut ils carstgauns, perquei ch'els ein per nus fetg impurtonts.

Duront la prefaziun stein nus en schanuglias. Cunquei lein nus mussar: „Diu, avon tei essan nus pigns“. Mo era sche nus essan pigns avon Diu, savein nus ch'el lai mai persuls nus. Cun tut nos quitaus astgein nus ir tier el.

Revista persunala



Nua ni tgi hai jeu saviu gidar?

Hai jeu oz saviu dir in bien plaid ad enzatgi?

Hai jeu oz empruau da far obedientscha?

Hai jeu oz empruau da far il meglier
pusseivel?

Taglia ora il spieghel.

Tacca el sin la vart dretga d'in
cartun fin (Tonkarton) ella
grondezia A4. Faulda uss il cartun
enamiez e lu sas ti metter il
spieghel sin tia meisa da notg e mintga
sera far ina cuorta revista dil di vargau.

Ils segns dil Batten

Tgei schabegia durant il Batten

Cheu sas ti mintgamai far in maletg vitier

All'entschatta fa il plevon al pop l'enzenna dalla crusch sil frunt. La crusch ei il simbol dils □ □ □ □ □ □ □ □ □ .	
Aua ei in simbol per □ □ □ □ . 3 gadas derscha il plevon in tec aua sur il frunt dil pop.	
Silsuenter vegn il pop unschius cun in ieli. Quei ieli ha num □ □ □ □ □ □ . Cun quei simbol vul ins mussar ch'il pop s'auda tier Jesus □ □ □ □ □ □ □ (igl unschiu).	
Tier il Batten porta il pop savens in vestgiu □ □ □ . Quei vestgiu vul dir: Aschia sco ti has tratg en quei vestgiu, aschia has ti era tratg en Cristus.	
Lu vegn la candeila da batten envidada vid il □ □ □ □ □ □ □ □ □ □ □ □ □ . La glisch simbolisescha Jesus, che vul far clar en nossa veta.	



Miu Batten

Miu num:

Di da naschientscha:

Di da Batten:

En la baselgia da :

Mia madretscha ha num:

Miu padrin ha num:

Miu di dil num ei:

Supplichescha tes geniturs da raquintar a ti da tiu Batten.

Tgi ha tut priu part tier il Batten?

Eis ei aunc vegniu festivau suenter il Batten ?

Forsa muossan tes geniturs a ti la candeila da Batten
e miran cun tei las fotografias da quei di.



Semnar carschun (Kresse)

Semna en quater differents ruogs, cuppas da pischada ni scatlas dad ovs carschun.
En mintga ruog stoi haver auter tratsch:

1. ruog: pigns carpels
2. ruog: ½ carpels e ½ tratsch bein mischedau
3. ruog: tiara da cactus
4. ruog: tiara da fluras

Cu ti has semnau il carschun sas ti observar co el crescha (ni era buc).

Mo emblida buca da dar regularmein aua a tut ils ruogs.

Porta ils ruogs ella proxima ura da religiun che nus saveien mirar communablamein
tgei ch'ei schabegiau.



La semeglia dil semnader

Ina gada era Jesus alla riva dil lag. Cheu ein fuolas da glieud vegnidas ord tut ils marcaus e vitgs. Els han tschinclau Jesus e rugau el: „Raquenta a nus enzatgei da Diu.“ E Jesus entscheiva a raquintar: „Igl era in semnader, quel ei ius sil funs ed ha semnau siu èr. Mo entgins garnins ein curdai sin la via. Cheu ein ils utschals vegni ed han piclau si els. Ils garnins han buca pudiu catschar. Auters garnins ein curdai sin terren carpus. Els han catschau e pruiu ord il tratsch. Mo il sulegl ha schigentau il terren. Ils stroms ein vegni pass ed ein seccai. Els han buca pudiu crescher. Entgins garnins ein curdai ella spinatscha. Els han catschau e pruiu e formau stroms. Quels ein carschi e vegni adina pli gronds. Mo la spinatscha ei carschida e sederasada aunc bia dapli. Ella ha privau ils stroms da glisch ed aria. Quei graun ha buca saviu madirar. Ils auters garnins denton ein curdai sin tiara fritgeivla. Els han catschau e pruiu e formau stroms e spigias. Lu ei il semnader turnaus sil funs ed ha dumbrau cun plascher il fretg. Trenta, na, sissonta, na, aunc dapli: tschien garnins ha el dumbrau ellas spigias.“ Cheu finescha Jesus siu raquent cun ils plaids: „Tgi che ha ureglias per tedlar, quel teidli!“



Ill.: Jutta Sonleitner

Tgei vul quella historia dir a nus?

Sche nus tedlein buca tier endretg tgei che Jesus e Diu lessen dir a nus, lu va ei cun quels plaids sco culs garnins ch'ei curdai sin via ed ein vegni piclai si. Ni sche nus tedlein tier, mo emblidein spert pusspei tgei che nus vein udiu, lu ei quei sco culs garnins ch'ei dai ella spinatscha e san tuttina buca purtar fretg.

Mo sche nus tedlein bein tier e prendin serius quei che nus udin lu anflan quels plaids in plaz en nies cor. Lu havein nus capiu Jesus e savein tgei che nus havein da far per megliar in tec nies mund. E lu ei quei sco culs garnins ch'ei curdai sin tiara fritgeivla ed han purtau bia fretg. (tenor Mt. 13,1-23)

Nus tedlein e dein risposta

Lecziun	Evangelii
Plevon: Lecziun ord....	Plevon: Il Segner cun vus Tuts: E cun tiu Spért Plevon: Ord il sogn Evangelii tenor... Tuts: Gloria a ti, Segner
Alla fin Plevon: Plaid da Diu Tuts: Engraziament a Diu	Alla fin Plevon: Evangelii da Niessegner Jesus Cristus Tuts: Laud a ti, Cristus

La Bibla - biars cudischs en in cudisch


La Bibla ei buca semplamein in cudisch, mobein ella consista da plirs singuls cudischs. Quels cudischs ein vegni screts duront in liung temps. L'entira Bibla vul dir a nus: Diu ha bugen tuts carstgauns ed el ha vuliu els aschia sco els ein.

La Bibla ha duas parts

Vegl Testament (VT)	Niev Testament (NT)
Il Vegl Testament raquenta historias dil pievel d'Israel. Ils carstgauns han scret da lur experientschas cun Diu. En quella part anflas ti historias da: Josef, Noah e Jona. Era Jesus ha enconuschiu quella part dalla Bibla.	El Niev Testament anflein nus ils raquents da Jesus e da sia veta. Mo il Niev Testament cala buca cun la mort da Jesus, mobein raquenta era aunc dallas empremas cuminonzas cristianas.

Enconuschas ti ina historia ord la Bibla? Lu dessegna cheu in maletg!

Il credo apostolic



Jeu creiel enten in Diu,
Bab tutpussent, scaffider dil tschiel e dalla tiara
ed enten siu sulet sogn Fegl, nies Segner Jesus Cristus.

El ei retscharts dil sogn Spért,
naschius dalla purschala Maria,
el ha endirau sut Pontius Pilatus,
ei vegnius crucifigaus ed ei morts e satraus,
el ei ius giu el reginavel dils morts,
il tierz di eis el levaus da mort en veta,
el ei ius a tschiel e sesa da vart dretga da Diu,

Bab tutpussent,
da leu vegn el a vegnir a derschar sur vivs e morts.

Jeu creiel enten il sogn Spért,
en ina sontga baselgia catolica,
cuminonza dils sogns,
la remischun dils puccaus,
en la levada dils morts e la veta perpetna.

Amen

Ilts treis retgs - affons gidan affons

Ilts treis retgs:

- rimnan daners per affons en pitgira
- scrivan la benedicziun vid igl esch casa
- fan plascher alla glieud ch'els visetan
- fan ina buna caussa

La benedicziun dils retgs:

20 C + M + B ..

Quei vul dir: „Christus mansionem benedicat“.

Per romontsch vul quei dir: „Cristus benedeschi questa casa“.



Differentas fuormas dalla penetienza


All'entschatta dalla

dumandein nus egl act da ricla Diu per perdun.




Sche nus mein a prender

perduna il plevon enstagl da Diu nos puccaus.



Ell'

savein nus dir a Diu sez tgei che nus
vein fatg bein e tgei buc.



Sche nus havein fatg zatgei che era buca endretg,
lu savein nus era ir e

En la



savein nus leger co
nus savein viver
endretg.

Il fegl perdü, 1. part

Inagada ha Jesus raquintau la suandonta semeglia dil buntadeivel bab e da ses dus fegls:

In bab veva dus fegls. In di ei il fegl giuven vegnius tier il bab ed ha detg: „Dai a mi la part dalla facultad che auda a mi! Jeu vi buca star pli cheu tier tei. Jeu mon naven da cheu.“ Cheu dat il bab sia part ad el. Il fegl fa il fagot, va per siu fatg ed arriva en ina tiara lontana. Leu viva el dil bi e dil bein e fa ina fiasta suenter l'autra cun ses amitgs. In di denton cura ch'el vul puspei pagar, ei sia buorsa vita. El sa cumprar nuot pli ed era buca pli far fiasta. Ussa vulan ses amitgs saver in quex dad el. Tuts sbrigan e laian el persuls. Tgei dueva el ussa far? El veva fomuna. Mo daners haveva el gie buca pli e saveva gnanc pli cumprar paun. Pia eis el ius dad esch tier esch ed ha rugau per paun. Mo negin che vess dau ina buccada ad el. La glieud veva sezza nuot da magliar, damai ch'ei regeva in grond fomaz ella tiara. Cheu va il fegl tier in pur e roga el: „Pladescha mei sco fumegl“. „Ti sas pertgiral ils pors“, rispunda il pur e tarmetta el viado silla pastira tiels salvanoris. Ussa fuva il fegl pia leuora dado il marcau tier ils pors. Sia vestgadira era plein scarps ed el piteva nera fom. El vess schizun magliau il pavel dils pors. Schi gronda era sia fom. Mo il pur lubeva buca quei.

Lu ha il fegl ponderau ditg e liung. El patratga vid siu bab. Ed el di a sesez: Conta fumeglia ha miu bab! Els han tuts avunda da magliar. Jeu denton mierel dalla fom. Mo ussa sai jeu tgei ch'jeu fetsch: Jeu tuornel tier miu bab. Jeu vi dir ad el: „Bab, jeu sai: Jeu hai fatg puccau avon Diu ed avon tei. Jeu sai buca senumnar pli tiu fegl. Mo lai silmeins esser mei tiu fumegl!“ Ed immediat semetta il fegl sin via, sco el era, a pei blut e cun resti tschuf e rut.

Finalmein tscharna il fegl da lunsch la casa da siu bab. Mo el fida buc a ses egls: Leu avon casa steva siu bab. Quel veva buca emblidau el! Ussa cuora el schizun encunter al fegl, peglia entuorn culiez e betscha el! „Bab“, balbegia il fegl, „jeu hai fatg puccau avon Diu ed avon tei. Jeu sun buca pli vengonzs da senumnar tiu fegl.“



Ill.: Petra Lefin © Don Bosco Medien

Il fegl perdiu, 2. Part

Mo il bab ha interrut il plaid ad el. „Vus fumeglia“, cloma el, „mei spert per la pli biala vestgadira e vestgi miu fegl! Dei era calzers ad el. Purtei in ani dad aur per siu maun! Lu mazzei nies vadi engarschau. Fagei ina tschavera da fiasta e selegrei cun mei, perquei che miu fegl viva! Jeu vevel piars el. Mo ussa eis el turnaus a casa.“ Els fan ina biala fiasta e selegran.

Mo in muncava alla fiasta: Il frar pli vegl. Cura che quel ei vegnius la sera dalla lavur dil funs, ha el udiu gia dalunsch co ei fagevan legher en casa cun musica da fiasta. El damonda in fumegl: „Tgei dat ei cheu?“ Il fumegl rispunda: „Tiu frar ei turnaus e tiu bab ha fatg far in past da fiasta per el. Aschi fetg selegra el che tiu frar viva.“ „Tgei?“ cloma il fegl pli vegl da rabiau, „Tgei tratga miu bab pomai?“ Lu vegn il bab ord casa. „Miu fegl“, roga el, „neu tuttina era en! Fai fiasta cun nus e selegra cun nus!“ „Sa tgei! Jeu duess selegrar?“, cloma il fegl pli vegl plein gretta. „Has ti emblidau co jeu hai luvrau giu il dies per tei tut quels onns? Jeu hai adina fatg quei che ti has spitgau da mei. Per mei denton has ti mai mazzau in vadi engarschau. Ed ussa vegn quei valanuot cheu, tiu fegl, che ha sfarlatau tut tes daners, e ti fas ina fiasta per el!“

„Miu fegl“, di il bab, „pertgei eis ti aschi engurnius? Ti eis gie adina da casa tier mei. E tut quei che s’auda a mi, s’auda era a ti. Neu, selegra cun nus. Nus vein tertgau che tiu frar seigi morts. Mo el viva! Nus tertgavan ch’el seigi piars. Mo ussa vein nus puspei el!“
(tenor Lucas 15, 11-32)

Aschia sco il fegl perdiu, savein era nus urar:

Bien Diu!
Jeu less esser buns.
Jeu less far quei che ti vul.
Jeu less gidar ils auters.
Adina gartegia quei buc.
Perduna a mi!



Il cumpass dalla veta

Diu

Diu careza mei

- Patratgel jeu vid Diu?
- Engraziel jeu ad el per mia veta?
 - Fetschel jeu oraziun?
- Stun jeu eri en baselgia e sesprovel jeu da prender part (entras cantar e tier las oraziuns) ?
- Sun jeu era prompts da surprendre in uffeci en baselgia (p. ex. da ministrar) ?

Il mund entuorn mei

Diu ha scaffiu il mund.

El vul che nus havein quitaus dad el.

- Hai jeu plascher vid la bellezza dalla natira, vid las plontas, dils animals, dalla cuntrada?
- Gidel jeu da ver quitaus dalla natira?

- Sun jeu engrazieivels che jeu hai avunda da magliar?
- Hai jeu quitaus da mes animals da casa?

Mes concarstgauns

Nus vivin ensemen cun auters carstgauns: nossa famiglia, nos conscolars, nos amitgs.

Jeu

Igl ei bien ch'ei dat mei.

Diu ha scaffiu mei cun mes talents e mias fermezias:

cun quels sai jeu far zatgei ord mia veta.

- Hai jeu quitaus da memez?
- Prendel jeu mintgaton peda per vegnir ruasseivels e per ruassar ora?
- Sai jeu desister voluntariamein?
- Fetschel jeu zatgei ord mias fermezias?

- Sun jeu engrazieivels per mes geniturs?
- Vegnel jeu perina cun mes fargliuns?
- Segidel jeu a casa?
- Segidel jeu cun mes conscolars, scolasts, amitgs ed amitgas?
- Sun jeu in bien amitg/ ina buna amitga?
- Dun jeu breigia da dir la verdat?

La via dalla reconciliaziun

Beinvegni

Il plevon fa ensemen cun tei la s. crusch e di: „Enten num dil Bab e dil Fegl e dil Spért sogn“.

Ti rispundas: „Amen“.

Confess da puccau

El discuors sas ti tschintschar cun il plevon sur tias fleivleziass ed ils sbagls che ti has fatg.

Sche ti sas buca vinavon ni sche ti has zatgei ch’ei buca clar a ti, lu sas ti dir quei al plevon ed el gida.

Alla fin sas ti era dir a Diu nua che ti vul semigliurar. Forsa fa era il plevon ina proposta per in propiast.

Absoluziun

Suenter tiu confess perduna il plevon el num da Diu tias fleivleziass. Alla fin benedescha il plevon tei e ti fas la s. crusch.

Relaschada

Avon che ti vas di il plevon: „Ludaus sei Jesus Cristus“:

Ti rispundas: „Semper sei ludaus“.

Suenter la penetienza

Uss sas ti ir en in liug ruasseivel e far ina oraziun. Ti sas engraziar a Diu ch’el ha perdunau a ti.

Bien Diu,
da tut cor engraziel jeu a ti.
Jeu hai astgau deponer tier tei mias fleivleziass e mes sbagls.
Jeu sai entscheiver da niev.
Ti portas buca suenter zatgei.
Jeu vi sespruar dad esser buns.
Gida mei leutier.
Pertgira ed accumpogna mei sin tut mias viass.

Zacheus

Jeu hai priu penetienzia:

Ils:

Tier:



Simbols

En nies mintgadi entupein nus adina puspei signals (p.ex. sin via). Quels signals savein nus era numnar simbols. Els dian a nus zatgei ch'ins vesa buca sill' emprema egliada.

La muntada da quels simbols capin nus mo sche nus savein tgei ch'els vulan dir a nus.

Forsa sas ti tgei che quella tabla da traffic munta:



Ella di a nus: Tier quella cruschada hai jeu precedenza (jeu astgel ir sco emprem).


Cheusut anfalls ti aunc auters simbols. Emprova da dar ina muntada ad els e scriva si ella.



Cun in
sai jeu far



Questa
stat per la



Cu in um schenghegia ina
ad ina dunna, muossa el ad ella sia

Oraziun

Segner Jesus Cristus,

ti has detg:

„Jeu sun il paun dalla veta“.

El paun e vin eis ti adina presents.

Ussa va ei buca pli ditg

e ti vegns era tier mei.

Jeu selegrel gia ed engraziel a ti.

Accumpogna e pertgira mei.

Resta miu amitg – jeu creiel en tei.

Amen



L'eucaristia: prefaziun entochen s. Communiun

Prefaziun

Plevon: Il Segner cun vus.	Tuts: _____
Plevon: Alzei ils cors.	Tuts: _____ _____
Plevon: Lein engraziar al Segner, nies Diu.	Tuts: _____ _____

Il plevon ura l'oraziun d'engraziament. Lu contan tuts il Sanctus. Silsunter di il plevon ils plaids che Jesus haveva detg tier la davosa s. Tscheina.

Prendei e magliei tuts da quel: quei ei miu tgierp che vegn daus vi per vus.

Prendei e buai tuts da quel: quei ei miu saung che vegn spons per vus e per tuts en remischun dils puccaus. Fagei quei en memoria da mei.

Tier quels plaids aulza il plevon la blada ed il calisch. Ils ministrants scalinan leutier.

Lu di il plevon:

Plevon: Misteri da cardientscha.

Tuts: Segner, nus _____ tia mort e confessein tia _____
entochen che ti _____.

La prefaziun finescha cun ils plaids:

Plevon: Entras Cristus, cun el ed enten el ei a ti, Diu, Bab tutpussent, ell'unitad dil Spért sogn, tutta honor e gloria da perpeten en perpeten.

Tuts: Amen

Bab nos

Nus schein ensemen il Bab nos

Salid da pasch

Suenter il Bab nos vegn il salid da pasch:



Plevon: La pasch dil Segner seigi adina cun vus.

Tuts: _____.

Mintgaton vegn ei giavischau la pasch in a l'auter cun dar il maun in a l'auter.

Rumper il paun

Il plevon pren la blada gronda e rumpa quella per miez.

Tuts: Tschut da Diu, ti prendas naven il puccau dil mund, pren puccau da nus.
Tschut da Diu, ti prendas naven il puccau dil mund, pren puccau da nus.
Tschut da Diu, ti prendas naven il puccau dil mund, dai a nus la pasch.

Plevon: Mirei il tschut da Diu che pren naven il puccau dil mund.

Tuts: Segner, jeu sun buca vengonzs, che ti vegns sut miu tetg, di mo in plaid e mi'olma daventa puspei sauna.

Communiun

Ussa ein tuts envidai dad ir per la s. communiun.

Plevon: Il tgierp da Cristus.

Tuts: Amen



La davosa Tscheina

La tschavera da Pasha sa entscheiver. Sin meisa era in past da fiasta preparaus: carn tschut, jarvas petras, sosa, paun plat ed in grond calisch cun vin.

Ilis giuvnals sesan a meisa e miran plein marveglias sin Jesus. Mo Jesus di tut trests: „Quei ei la davosa gada che jeu magliel cun vus. Prest vegn jeu buca pli ad esser denter vus. Mes adversaris vegnan a metter a ferm mei e mazzar mei. Ed in da vus vegn a tradir mei.“

Ilis giuvnals capevan buca, da tgei ch'ei settractava cheu. Els stevan leu e spitgavan che Jesus plaidi sur paun e vin ils plaids che vegnevan adina plidai la fiasta da Pasha.

Cheu pren Jesus il paun, engrazia a Diu, rumpa el, dat el a ses giuvnals e plaida: „Prendei e magliei. Quei ei miu tgierp, che vegn daus vi per vus.“

Lu pren el il calisch, engrazia a Diu, dat el a ses giuvnals e plaida: „Buei tuts orda quel. Quei ei miu saung, che vegn spons per vus en remischun dils puccaus.“

Cheu teidlan ils giuvnals attentamein: Na, quei eran buca ils plaids ch'ins plidava schiglioc la fiasta da Pasha. Quei eran plaids novs. Plaids che plidavan da Jesus e da sia mort. Ed els sentan: Jesus dat vi si'atgna veta per els.

(Mt. 26,20-29)



Oraziun d'engraziament



Bien Diu, el paun eis ti vegnius tier mei.

Engraziel, che ti accumpognas mei sin mia via atras la veta.

Engraziel, che ti meinas mei.

Engraziel, che ti eis adina tier mei.

Engraziel, che quei ei buca mo oz aschia.

Engraziel, per tes duns.

Engraziel, che nus astgein esser tes hosps.

Engraziel, per quei bi di e tut ils dis.

Jeu engraziel per tut.

Amen.

Nossa pleiv



Co ha tia pleiv num?

Dat ei en tia pleiv purschidas per carschi ed affons?

Mira inaga el feagl ufficial ni el feagl parochial.

Tgei savess jeu far?


Nua sai jeu gidar?

Oraziun: Jesus schenghegia sesez a nus!

Paun ei nutriment
e paun dat forza.
Paun dat energia
per la veta.

Paun metta perina
e paun unescha,
schenghegia cuminonza
e scaffescha pasch.

Paun ei in dun
e paun ei Diu sez.
Aschia daventa el veseivels
tier nossa fiasta.



Il giuvnals dad Emmaus

Dus umens eran sin via da Jerusalem viers il vitget d'Emmaus. Els eran stai amitgs da Jesus. Trests mavan els in sper l'auter, paterlavan e discutavan. Duront ch'els plidavan, ei in jester s'avischinaus ed ei ius cun els. Igl emprem han els gnanc fatg stem dad el. Taluisa eran els profundai en lur discuors. Mo igl jester plidenta els: „Da tgei discurrius vus? Pertgei essas aschi trests?“ Tut surstai stattan ils dus eri. „Tgei?“ damondan els surpri. „Sas ti buc tgei ch'ei succediu a Jerusalem?“ „Tgei pia?“ damonda igl jester.

Lu entscheivan ils dus a raquintar: „Enconuschas ti Jesus da Nazaret? El ei vegnius mazzaus e crucifigaus sco in malfatschent. Mo el era buc in malfatschent. El ha fatg mo dil bien. E nus vevan sperau ch'el vegni a gidar nies pievel. Mo ussa eis el morts, gia il tierz di. Mo s'imaginescha: oz endamaun ein dunnas vegnidas ed han raquintau: Jesus viva! Sia fossa ei vita. Mo nus savein buc tgei crer da quei.“

„Ah vus!“ excloma igl jester. „Pertgei leis buca crer, quei che gia ils profets han predetg? Stueva ei buca daventar aschia? Sche Jesus ei il Salvader, stueva el lu buca pitir e murir e levar da mort en veta?“ Ed el declara ad els tut quei che stat ella Sontga Scartira sur dil Salvader. Ils dus teidlan attentamein.


Ei era tard, cura ch'els ein finalmein arrivai ad Emmaus. Il sulegl mava gia da rendiu. Uss pren igl jester cumiau e vul cuntinuar sia via. Mo ils dus talunan: „Fai aschi bien, va buca vinavon! Prest siara ei notg.“ Cheu ei igl jester ius cun els. Ed el ha priu paun, engraziau a Diu, rut el e dau el als dus viandonts. Quels han denton mirau sin el cun egls gronds. Tutterina han els capiu tgi che seseva cheu cun els. Ei fuva Jesus. Mo gia era Jesus buca da veser pli.

Ed els han detg: „Ardeva buca nies cor en nus, cura ch'el plidava sin via cun nus e declarava las scartiras a nus?“

Uss ha nuot pudiu retener els en lur casa. Immediat ein els stai en pei ed ein turnai aunc quella sera en prescha a Jerusalem. Leu ein els serendi tier la casa, nua ch'ils giuvnals eran serimnai, han spluntau agl esch e clamau: „Arvei! Nus essan cheu, nus, ils amitgs d'Emmaus. Nus vein ina buna nova per vus.“ „Nus era“, rispundan ils giuvnals ad els. „Jesus ei levaus da mort en veta! El ei cumparius a Pieder!“

(Lc. 24,13-35)

Ardeva buca nîes cor en nus?



Ill.: Martina Špinková © Don Bosco Medien

La fiasta da mia Emprema s. Communiun

Cheu sas ti taccar ina fotografia dalla fiasta

La fiasta ha giu liug:

Ella baselgia da:

La messa ei vegnida celebrada da:

Mes hosps:

